



四書輯疏

孟子一

十六

2796  
30-17



仁18  
號 2796  
卷 36-117



四書訓蒙輯疏卷之十六

後學會津安聚著

朱子孟子集註序說

蔡虛齋曰及朱子集註之成特於篇首節錄出本傳及韓子程子楊

氏之言使人讀孟子者開卷之初已得孟子之履歷學術之大槩亦提綱挈領之意

史記列傳

去聲曰中村氏曰列傳者謂叙列人臣事迹可傳於後世孟軻趙氏曰

金仁山曰後漢京兆人孟子魯公族孟孫之後漢書文

名岐字邠卿註孟子志註云字子車顏師古引一說正義及傳子書字子

輿騶人也騶亦作鄒本邾國也受業子思之門人九所

者皆曰業此指子思孔子之孫名伋音急索隱唐司馬云

王劭唐人以人為衍字而趙氏註及孔叢子舊為孔子世孫孔鮒所



著朱子以等書亦皆云孟子親受業於子思未知是否  
為偽書  
 朱子於私淑諸人註云子思之徒於論語序道既通  
說書受業子思之門人未知是否疑之也  
 雲曰或云司馬遷未必有見于孟子之道今日道既通  
特泛言之愚謂不然後既云述唐虞三代之德則道之  
所通亦即唐虞  
 趙氏曰孟子通五經尤長於詩書程子  
 曰孟子曰可以仕則仕可以止則止可以久則久可以  
 速則速孔子聖之時者也故知易者莫如孟子  
易只是  
 伸隨時變易而孟子能以時字稱又曰王者之迹熄而  
 孔子非知易者不能也故曰知易又曰春秋無義戰又曰春秋天  
 詩亡詩亡然後春秋作又曰春秋無義戰又曰春秋天  
 子之事故知春秋者莫如孟子尹氏曰以此而言則趙  
 氏謂孟子長於詩書而已豈知孟子者哉游事齊宣王

游謂無官司也  
 游事指為賓師  
 宣王不能用適梁梁惠王不果所言則

見以為迂遠而闕於事情  
果猶遠也不果所言謂不遂

謂猶實非迂曲迴貌闕疏也語意與韓非子言順比滑  
澤洋洋纒纒然則見以為華而不實同見猶聞也蔡虛  
齋曰此言其  
齋語於時也  
 案史記梁惠王之三十五年乙酉孟子始

至梁其後二十三年當齊湣王之十年丁未齊人伐燕

而孟子在齊故古史蘇轍謂孟子先事齊宣王後乃見

梁惠王襄王齊湣王獨孟子以伐燕為宣王時事與史

記荀子等書皆不合二書以伐燕為湣王則孟子見湣

書不合而不  
見湣王也  
 而通鑑司馬溫以伐燕之歲為宣王十九

年則是孟子先游梁而後至齊見宣王矣然考異通鑑

倚兩反衛之諸庶衛人善用兵為魏文楚魏用吳起衛武侯將後奔楚齊

用孫子孫臏孫武之後樂田忌齊將天下方務於容

連衡與橫同陳定宇曰蘇秦主合從之說欲合六國為

秦蔡虛齋曰詩經註東西為衡南北為從秦居陝西以

陝西而視山東諸國東西連亘其勢衡也故以秦而豫

六國是主於秦也故曰連衡山東諸國則無西一面只

以南北相合而為從故以六國合約以抗秦所主者六

國也故謂以攻伐為賢以善攻伐者為賢者而孟軻乃述唐虞三

代之德稱堯舜禹湯是以所如者不合蔡虛齋曰此言

也須以攻伐縱橫字與唐退而與萬章之徒類序詩書

述仲尼之意仲尼之意作一句看蒙引悞矣作孟子七

篇趙氏曰凡二百六十一章三萬四千六百八十五字

韓子名愈字退之曰孟軻之書非軻自著軻既沒其徒

萬章公孫丑相與記軻所言焉耳見答張籍書愚按二說不

同史記近是

韓子曰堯以是傳之舜舜以是傳之禹禹以是傳之湯

湯以是傳之文武周公文武周公傳之孔子孔子傳之

孟軻軻之死不得其傳焉中村氏曰此韓子原道篇論

道而其所以為實者仁義也今按荀名況戰國與揚名

漢蜀郡人也擇焉而不精語焉而不詳中村氏曰擇語二字

之沒不得其傳也苟與揚不繫于統也金仁山曰擇如

擇善之擇不精謂辨不到恰好處不失之淺則失之差

詳如詳明之詳謂說得不透徹也惟程子曰韓子此語

非是蹈襲前人又非鑿空撰得出必有所見若無所見

不知言所傳者何事中村氏曰蹈襲猶蹈藉襲因也謂

孔也本無其孔而今始鑿孔穴也借以為本無其事而

今始言之之義撰造也言若無所見不能知言所傳者

何事而今則不然能知言所傳者是道則○又曰孟氏

其有所見也必矣虛齋依雲說不可用

醇乎醇者也詩見讀荀子篇精里先生曰乎猶於句法出

醇而小疵病也謂程子曰韓子論孟子甚善非見得孟

子意亦道不到其論荀揚則非也荀子極偏不正駁駁

不純只一句性惡見荀子性惡篇大本已失大本指性揚子雖少過

然亦不識性更說甚道揚子脩身篇曰人之性也善惡

既不識天命之性更混是不識性也中村氏曰揚子

博門弟子不能徧觀而盡識也蔡虛齋曰只是謂聖

學焉而皆得其性之所近金仁山曰此言其氣稟之性

弟事惟得其性之所近未有不具體者朱子曰政事者

就政事上學得文學者就文學上學得德行言語者就

德行言語上學得其後離散分處上諸侯之國金仁山曰如子

明居楚滅又各以其所能授弟子源遠而末益分子夏

流而為莊周子弓之後變而為惟孟軻師子思而子思

苟卿若水之分派為異水也

之學出於曾子自孔子沒獨孟軻氏之傳得其宗故求

得聖道之大全故曰獨孟柯氏之傳得其宗○流源也○  
 此為宗故有大宗小宗之說此謂所傳得其淵源也○  
 求觀聖人之道者必自孟子始正以其得斯道之大全  
 正宗為非偏岐末流之學也學者必由是而觀焉庶乎  
 其不失耳中村氏曰章末孟子二字以書而言程子曰孔子言參也魯然顏子  
 沒後終得聖人之道者曾子也觀其啓手足時之言可  
 以見矣所傳者子思孟子皆其學也朱子引程子以明  
 於曾子而獨得其宗者以曾子能得聖人之道也程子  
 又曰曾子傳聖人學其德後來不可測安知其不至聖  
 人如言吾得正而斃且休理會文字只看他氣象極好  
 依此則知啓手足時之言非論語所載者而禮記所載  
 吾得正而斃焉○又曰見答孟簡書揚子雲曰見下法言古者  
 斯已矣之語也○  
 楊墨塞先則路孟子辭而闕之郭反開之廓也苦郭反開如也虛蔡  
 是子雲之言音扶夫音扶揚墨行正道廢皆虛齋曰以下孟子

雖賢聖不得位空言無施雖切何補然賴其言而今之  
 學者尚知宗孔氏崇仁義貴王賤霸而已其大經大法  
 蔡虛齋曰其指先王也大經上自王朝之間以至父子  
 夫婦房闈之內先王莫不制為之禮大法蓋指刑政典  
 章之屬  
 皆亡滅而不救壞爛而不收斂也所謂存十一於千  
 百得十一於千百出陸機嘆逝賦張銑註云舊安在其  
 能廓如也然向無孟氏則皆服左衽而言侏離矣朱  
 曰衽衣衿也左衽夷狄之俗也蔡虛齋曰侏離蠻語不  
 分明之意無孟氏則楊墨行正道廢天下皆歸於無父  
 無君之教矣故愈嘗推尊孟氏以為功不在禹下者為  
 去此也陳定宇曰自夫楊墨行至安在其能廓如也皆  
 斷之以孟氏功不在禹下蓋之矣孟子開楊墨功不在  
 禹治洪水下者洪水溺人之身異端陷溺人心心溺之



次也亞次也亞聖指顏子輔潛庵曰若顏子之質雖其

一故可為聖人之亞或曰英氣見反形句於甚處曰但

以孔子之言比之便可見如且如冰也與水精即水非

不光比之玉自是有溫潤含蓄氣象無許多光耀也與

水精譬大賢玉譬聖人溫同蘊苞裏曰

楊氏龜山先生曰孟子一書只是要正人心教人存心養性

收其放心言教人收其放心或說存心養性或說至論仁義禮智

則以惻隱羞惡辭讓是非之心為之端論邪說之害則

曰生於其心害於其政論事君則曰格君心之非一正君

而國定千變萬化只說從心上來輔潛庵曰楊氏發明

從心上來甚說得孟子意而人能正心則事無足為者

矣孫詒仲曰慶源輔氏云大學正心後脩齊治平更有

工夫在愚按心正則脩齊治平自此推之耳所謂脩

而位育也楊說是大學之脩身齊家治國平天下其

本只是正心誠意而已心得其正然後知性之善故孟

子遇人便道性善是倒置朱子云云者論其理耳歐陽

永叔名脩宋廬陵人却言聖人之教人性非所先金仁山曰見

翻性論第二書曰夫性非學者之所急聖人之所罕言

也云云今按永叔云云但知依論語而不知依孟子之

故可謂誤矣人性上不可添一物中村氏曰謂不須添

出此堯舜所以為萬世法亦是率性而已所謂率性循

天理是也外邊用計用數假饒立得功業只是人欲之



私與聖賢作處天地懸隔輔潛庵曰此說判斷二帝三

以不同明白詳盡真  
可以繼孟子之傳矣

*[Faded vertical text columns, likely bleed-through from the reverse side of the page]*

孟子卷之一

朱子集註

梁惠王章句上

章句蓋猶稱篇也章者文之成也句者辭之絕也共篇中之所有故篇亦曰章句歟張祜詩曰李陵章句右軍書謂詩篇也與註之列名不同故注疏本別題曰漢趙氏註

凡七章

孟子見梁惠王

梁惠王魏侯瑩於耕也都大梁僭稱王按當孟子之

已僭稱王號故孟子即稱之夫僭稱王者雖諸君之妄而孟子是記事言之書與春秋正名分之書不同安得點之許白雲蒙引緒言似共謚曰惠史記惠王不實註中僭稱二字可謂誤矣

三十五年卑禮厚幣以招賢者而孟軻至梁恐有以

不見諸侯之禮而見惠王為疑者故引史記以明孟子之見應其禮幣之聘而非自往見之也禮字就惠

王身上說

註翼 胡期僂曰孟子守不見諸侯之節一旦承梁惠王厚禮厚幣之招乃自鄒至梁見之所以答其

禮而冀其道之行也

王曰叟不遠千里而來亦將有以利吾國乎

叟長 上聲 老之稱 張泰嶽曰如今稱老先生一般金仁

非必果 王所謂利益富國彊兵之類 林次崖曰曰之類所該尚廣

註翼

吳伯章曰叟非絕句當連下文王觀濤曰梁王說利是功利之利非專指財利也張泰嶽曰叟

你自鄒至梁不憚千里之速而來有何計策可以利益寡人之國乎今按亦字對當時富強之徒言周聘

侯曰亦將有以是信其必有不是疑其未必有李岱雲曰吾國中雖包有大夫士庶在內而惠王開口既

曰利吾國則推極其私小心腸並亦不問大夫士庶之利如何止知利吾而已故下文孟子以大夫之吾家在吾國之外

孟子對曰王何必曰利亦有仁義而已矣

仁者心之德愛之理義者心之制事之宜也此仁義

言者言仁就接物上說義就應事上說著心之德心之制二句者明其由內形外之意理字是親親仁民

愛物之差等也制字是裁制之義朱子所謂如快利刀斧事來劈將去者此釋仁字與論語集註釋前偏

後專者不此二句乃一章之大指下文乃詳言之後同故互異

多放 與做 此陳定宇曰孟子文法多以主意立綱

註翼 孫潛村曰梁王初見即以利為問其錮蔽深矣

相應緊對梁王一問蓋先攻其邪心使之利心盡去而仁義之說乃可徐進也張彥陵曰這兩句且只就

其不欲上看到中間乃直陳利害胡期僊曰何必是決  
心之制以處物則為義而已矣鄧雉千曰言仁義而  
曰而已矣有舍此更無他道可言意今按見利外有  
可必言者吳孫右曰亦字對利字又按有字謂固有  
之義未是孫詒仲曰殺一無罪非仁仁則外不與兵  
構怨內不嚴刑重罰也取非其有非義義則外不爭  
地爭城內不厚賦重斂也孟子告諸君以王政省刑  
仁義兼自脩施政言孫詒仲只就政事說徧  
王曰何以利吾國大夫曰何以利吾家士庶人曰何以  
利吾身上下交征利而國危矣萬乘之國弑其君者必  
千乘之家千乘之國弑其君者必百乘之家萬取千焉  
千取百焉不為不多矣苟為後義而先利不奪不饜  
乘去聲饜於豔反○此言求利之害以明上文何必

曰利之意也上文言何必曰利者謂利之不可求也  
害者所以使人深知利之不可求也征取也取不當  
故曰以明上文何必曰利之意也  
上取乎下下取乎上胡期僊曰上指惠王故曰交征  
國危謂將有弑奪之禍乘車數也一車曰乘故萬乘  
曰千車故萬乘之國者天子畿音所天子內地方千  
里出車萬乘三禮義疏曰凡言方非正方千乘之家  
者天子之公卿采音菜采官也因采地方百里出車千  
乘也室氏曰采地方百里之下當添者十二字若方  
方百里為一方千里十分之一也今按下方百里實為方千  
里百分之一非十分之一也  
國也云小國則非千乘之國千乘之國諸侯之國百  
可見為偶然考索之失矣

乘之家諸侯之大夫也弑下殺上也饜足也是滿足的意言臣之於君每十分下同而取其一分陳定宇曰以制定地定法言天子萬乘諸侯取十之二得千乘諸侯千乘大夫取十之一得百乘今按千乘百乘特以其大者言耳非謂盡然也論語千乘之國孟子百乘之家可證自許益之叢說以祿解之蒙引諸家多從之然其說本出趙註則朱子從之必當有明文而今不然則指上文千乘百乘言也明矣亦已多矣若又以義為後而以利為先則不弑其君而盡奪之其心未肯以為足也

**註異** 林次崖曰自王曰至而國危矣是自利上推到有害處曰萬乘之國至不奪不饜皆說國危

之事萬取千焉至不奪不饜又只是申萬乘之國弑其君四句張彥陵曰以首句為綱王為大夫士庶之表帥利風一倡不至攘奪不止可見利之端自王啓之害之實亦自王受之利之不可言如此盧未人曰

此章本言侯國曰萬乘者帶言之耳胡期僊曰王曰設詞何以是謀為意取作得字蔡虛齋曰上下之間各安於其分之所當得所謂義也指南曰單以義言與利對也不必瑣瑣補仁字

未有仁而遺其親者也未有義而後其君者也

此言仁義未嘗不利以明上文亦有仁義而已之意

也蔡氏曰不遺其親不後其君之說不過推仁義中利方為義時便計不後其君之利也蔡虛齋曰上文只曰亦有仁義而已而此則又加以未有遺其親後其君者蓋直是要說仁義自有其利也仁義既有其利如此愈見得又何必曰利此利字與上文何以利之吾國上下交征之利不同此利是仁義中之利天理之公也故始終是利而無害上條所言利是仁義外之利則人欲之私而已故不免於害也○細看大註躬行仁義與仁義未嘗不利兩箇仁義字與本文仁義字及註中仁者義者字不同遺猶棄也蓋仁義未嘗不利亦是就人君言也

存錢後不急也言仁者必愛其親義者必急其君故  
人君躬行仁義而無求利之心則其下化之自親戴  
於己也故人君以下說本文上下包含之意也盧未  
親戴於己言之

**註翼** 盧未人曰此節上面要提人君躬行仁義與上  
與上節大夫士庶交征利而弒奪相應○一說親亦  
指君謂民之於君有父之親有君之尊不遺親就是  
不遺君此意雖新恐於論仁大道理未當蔡虛齋曰  
本文仁義字似指在下人言故有君有親孟子只緊  
就在下人說利却歸於上今按仁義是當然之工夫  
不遺親後君是自然之功効若只說工夫而不說功  
効則未備故既說工夫後說  
功効也所謂罕言利是也

王亦曰仁義而已矣何必曰利

重平言之以結上文兩節之意上句結未有節言仁  
義之正雖無其利猶

所當言也而況其利之若此乎下句結王曰節言利  
之私即無其害猶不當言也而況其害之若彼乎

○此章言仁義根於人心之固有輔潛庵曰曰根者  
如草木之根於地

曰固有者又天理之公也利心生於物我之相形潛  
見其非可移

庵曰利心人本無之只緣有己有物彼此相形便生  
出箇較短量長爭多兢少之意來遂欲己長人短人

少己人欲之私也循天理則不求利而自無不利蔡  
氏

曰此發明未有仁而遺其意狗人欲則求利未得而害  
親未有義而後其君之意

已隨之蔡氏曰此發明苟為後義  
所謂毫釐之差

公千里之繆靡幼及蔡虛齋曰一則愛親尊君不求  
私而自無不利一則不奪不廢利未得

而害已隨之千里之謬也利與害之差此孟子之書所  
分義與利之間耳此所謂毫釐之差

以造端託始之深意蔡虛齋曰造端如造衡者必先為權造車必先為輿始謂於此而學者所宜精察而明辨也○太史公司馬氏名遷西漢龍門人為太史令曰余讀孟子書至梁惠王問何以利吾國未嘗不廢書而歎也曰嗟乎利誠亂之始也夫子罕言利常防其源也太史公說此利故曰放於利而行多怨自天子以至於庶人好利之弊何以異哉此見史記孟子傳或問太史公之歎其果知孟子之學耶朱子曰未必知也以其言之偶得其要足以謹而著之程子曰君子未嘗不欲利但專以利為心則有害如絀奪之禍孫詒仲曰或云程子君子未嘗不欲利三句有病愚按或說不然今按孟子嘗曰無政事則財用不足君子豈不欲富強耶然專以富強為心則害義故惡之胡斐才謂此所謂利如易利貞之

利不惟仁義則不求利而未嘗不利也如不遺當是之時天下之人惟利是求而不復扶又知有仁義故孟子言仁義而不言利所以拔本塞先側源而救其弊此聖賢之心也金仁山曰拔本塞源語出左氏傳昭公七年孟子首格君心掃去利之一字如後木之根使不復生塞水之源使不復流則禍亂熄矣

**註翼**  
說統曰王亦曰仁義直要他果行仁義何必曰利直是要他絕不求利不是說不說便罷今按亦對對利字非對聖賢也

○孟子見梁惠王王立於沼上顧鴻雁麋鹿曰賢者亦樂此乎

樂音洛篇內同○沼池也空地鑿水也鴻雁之大者

麋鹿之大者適情之物

**註翼**

胡期僂曰見惠王就在梁之時與上不同顧是

故立沼上有顧而為言也顧鱗士曰揚龜山云梁王

願鴻雁麋鹿以問孟子曰曰字當連上也盧未人曰

賢者指君言與賢者亦不有此樂之賢者不同陸稼書

曰按梁王口中說賢者不要太深彼自誇盡心之主

未必自居不賢須說有分寸今按胡期僂謂古之賢

君誤丘月林曰立與顧兩事平看此字兼所立所顧

說若依蒙引單指鴻雁麋鹿則孟子兩個此字亦當

只指鴻雁麋鹿矣周聘侯曰觀後兩節以臺池鳥獸

並言可見又按王意樂此以為賢者當樂也與齊王

之好樂好貨好色同故孟子導之以賢者而後樂此

也不是慚詞亦不疑詞

孟子對曰賢者而後樂此不賢者雖有此不樂也

此一章之大指陳定宇曰揭大指於前而分開照應

皆如此此後當以此法觀之不一提撮

**註翼**張泰嶽曰君有賢德則民心惟感和氣流通故

能享此臺池鳥獸之樂若夫不賢之君民心離

而國勢感雖有此臺池鳥獸不能享其樂也

許白雲曰前章法語之言此章與與之言也

詩云經始靈臺經之營之庶民攻之不日成之經始勿

亟庶民子來王在靈囿麋鹿攸伏麋鹿濯濯白鳥鶴鶴

王在靈沼於物魚躍文王以民力為臺為沼而民歡樂

之謂其臺曰靈臺謂其沼曰靈沼樂其有麋鹿魚鼈古

之人與民偕樂故能樂也

亟音棘麋音憂鶴詩作鬲戶角反於音鳥物音刃○

此引詩而釋之以明賢者而後樂此之意文王以民

下是孟子詩大雅靈臺之篇經量度待洛也經度之

釋詩之詞詩大雅靈臺名也臺積土四方而高者朱子曰國

觀游節勞佚也謂之靈者言營謀為也而版築也攻

其倏然而成如神靈所為也營謀為也而版築也攻

治也治作不日不終日也亟速也言文王戒以勿亟

也子來如子來趨父事也來也自靈囿靈沼臺下有

囿所禽獸囿中有沼池之鹿牝及婢忍鹿也伏安其所

不驚動也而馴伏不動濯濯肥澤貌鶴鶴潔白貌於

歎美辭乃民樂之辭物滿也言以魚孟子言文王雖用

民力而民反歡樂之既加以美名而又樂其所有未

人曰民歡樂之總言加以美名樂其所有皆歡樂中

事云孫右曰民乃趨事亟成而歡樂之且加以美名

而及歡欣讚美樂其臺下之蓋由文王能愛其民故

有麋鹿沼中之有魚鼈焉

民樂其樂而文王亦得以享其樂也

吳孫右曰文王平日愛民與聚

勿施而與之偕樂故民之得所樂者亦樂君之樂而

文王遂能樂其所樂長享太平無事之休也中村氏

曰樂其句應王在六句今按三其字俱指文王

註翼經始謂度始靈臺也陸稼書曰經之營之不對

之人即指文王與民偕樂二句俱貼文王講蒙引存

疑淺說皆然蔡虛齋曰庶民子來二句追言所以不

躍是跳三其字俱指文王翼註曰與民偕樂是平日

仁政不是以臺池之樂借之民

湯誓曰時日害喪予及女偕亡民欲與之偕亡雖有臺

池鳥獸豈能獨樂哉



害音曷喪去聲女音汝○此引書而釋之以明不賢者雖有此不樂之意也民欲與之偕亡三湯誓商書篇名時是也日指夏桀害何也桀嘗自言吾有天下如天之有日日亡吾乃亡耳趙格庵曰此說出尚書大傳民怨其虐故因其自言而目之曰此日何時亡乎若亡則我寧與之俱亡蓋欲其亡之甚也孟子引此以明君獨樂而不恤其民則民怨之而不能保其樂也

註異 李岱雲曰按集註于予及女偕亡之下明云孟子引此以明君獨樂而不恤其民則民怨之而不能保其樂是民欲與之偕亡句已推開不指桀說言九為君者不恤其民使民至欲與之偕亡更何能獨樂若前古之人與民偕樂自指文王故註云蓋由文王能愛民也○豈能獨樂哉正見覆亡之不暇豈

能享其樂作是事說時解有謂不必說到覆亡滿目皆愁慘之象君心自不能樂者非是即如梁王雖未到民欲偕亡然糜爛其民至以子弟殉之亦未必不愁慘矣梁王其即不樂否但未至民欲偕亡之甚故尚在沼上遊觀耳

○梁惠王曰寡人之於國也盡心焉耳矣河內凶則移其民於河東移其粟於河內河東凶亦然察鄰國之政無如寡人之用心者鄰國之民不加少寡人之民不加多何也

寡人諸侯自稱言寡德之人也言河內河東皆魏地凶歲不熟也移民之民以就食就食就移粟以給其老稚之不能移者粟有甲者也移粟使民自移其粟耳

**註翼**

政無如寡人用心可見盡心正貼政上說今按  
政兼常變言舉救荒者以其變而尤當盡心者月謂  
專指荒政偏吳孫右曰焉耳者懇至之詞孫疏言至  
極也盧未人曰河內凶數句是盡心於民之事蔡虛  
齋曰移其民於河東移河內之民於河東也移其粟  
於河內移河東之粟於河內也胡期僊曰察替察不  
加少只是依舊无消耗意不加多只是生齒如故今  
按不專就凶歲說不必逃亡歸附依雲  
說不是胡期僊曰何也有歸罪歲凶意

孟子對曰王好戰請以戰喻填然鼓之兵刃既接棄甲  
曳兵而走或百步而後止或五十步而後止以五十步  
笑百步則何如曰不可直不百步耳是亦走也曰王如  
知此則無望民之多於鄰國也

好去聲填音田○填鼓音也兵以鼓進以金退此戰國

戰陣言如左傳所謂吾聞鼓而已不聞金矣是也  
必依周禮金謂鐸鐸鏡之屬鐸大鈴也鐸鉦也形如  
小鐘鏡直猶但也如詩匪直言此以譬鄰國不恤其  
如鈴

民惠王能行小惠然皆不能行王道以養其民不可  
以此而笑彼也 盧未人曰棄甲曳兵喻不行王道百  
步喻隣國不恤其民五十步喻惠王

能行小惠五十步笑百步喻惠王望民多於隣國今  
按恤愍也李岱雲曰註特下一養字固上對移民移  
粟說亦可見下言王道只重養楊氏曰移民移粟荒  
不重教也此是朱子作註針錄

政之所不廢也然不能行先王之道而徒以是為盡  
心焉則末矣 荒政救荒之政周禮大司徒有  
荒政十二先王之政指仁政也

**註翼** 許白雲曰棄甲曳兵謂戰而負者胡期僊曰兵  
戎器接是交戰棄甲以難走故棄之曳  
兵以手拖刀利子走也或見有不盡然之意止住也  
何如是語其可笑不可笑是皆五十步亦對百步看

孟子 梁惠王上

此指五十步不可笑百步無望言不竄望意李岱雲曰按蒙引謂數字非虛指戰士而言也愚謂之字指戰士數字仍虛謂擊鼓以進戰士也○五十步不可笑百步則必戰勝者乃可笑之行小惠者不可笑鄰國之不卹其民則必行王道乃可望民之加多本節未提明王道已有道行王道意故下便接說

不違農時穀不可勝食也數罟不入洿池魚鼈不可勝食也斧斤以時入山林材木不可勝用也穀與魚鼈不可勝食材木不可勝用是使民養生喪死無憾也養生喪死無憾王道之始也

勝音升數音促罟音古洿音烏○農時謂春耕夏耘秋收之時耕犁也耘除苗間穢也收收凡有與作不違此時至冬乃役之也蔡虛齋曰興作與徒作事也盧未人曰如鑿池築城之類

胡斐才曰田獵講武不與興作之目今按之字指民不可勝食言多也數罟也罟網也洿窰汗瓜反下之地水所聚也古者網罟必用四寸之目詩毛傳曰庶人不數罟罟必四寸然後入澤梁魚不滿尺市不得粥余六反賣也禮記王制曰禽獸魚鼈不中殺不粥於市人不得食山林川澤與民共之而有厲禁周禮山虞掌山林之政令物之厲每物有藩界也為之守禁為守者設禁令也胡雲峰曰禁民之不為守禁者設草木零落

然後斧斤入焉王制草木零落然後入山林蔡虛齋曰斧蓋今之斧頭斤蓋今之鈇刀蓋斧以破之此皆為治聲之初法制未備謂未行井田斤以斷之且因天地自然之利而撙節愛養之事也祖本反撙抑也謂五穀

入不違時入之類撙節愛養之事謂不違農時不用數魚鼈材木之類撙節愛養之事謂不違農時不用數

孟子 梁惠王上

苦谷斤以時入山林之類指南曰此時法制未能具  
 備且就目前安養其民使生計稍立以收拾人心然  
 後徐為然飲食五穀魚鼈宮室材木所以養生祭  
 祀五穀魚鼈棺槨材木所以送死皆民所急而不  
 可無者今皆有以資之則人無所恨矣資取也資之  
 治國者能使民所急者皆有以資用之無所恨則民  
 心得而邦本固法制自此而可立教化自此而可興  
 矣王道以得民心為本故以此為王道之始吳蘇右  
為治之初法制未備教養未行姑以是而資民之所  
急則其心既得而為治之本端網紀法度亦可次第  
施行故曰始陶謹之曰始字是根脚不是起頭陳定  
宇曰下一節集註云是王道之成也正與此王道之  
始相對今按存疑緒言謂本節無說得  
民心意講述謂此節不足王道俱誤  
註翼  
林次崖曰行小惠不可望民加多欲民加多惟  
在行王道爾故下二節遂言王道張彥陵曰順

其所欲曰不違胡期僂曰不違是在上者不特農時  
 勝作畫字不入是在上者禁之使不入時指草木零  
 落之時材木是木之成材而有用者是承上二句來  
 無憾是無恨各遂其願張彥陵曰不可勝食勝用只  
 說生殖繁多尚未到人食用上養生喪死無憾方是  
 食用蔡虛齋曰沓地勢自然者池是人所鑿者山林  
 之分高者為山平而多草木者為林喪讀如字不音  
 去聲謂死而喪之也盧未人曰穀兼五穀或泥春耕  
 夏耘只就稻說似太泥陸稼書曰王道之始句要見  
 得王者猶未敢以為盡心也今按王道謂所以君師  
 天下之道也

五畝之宅樹之以桑五十者可以衣帛矣雞豚狗彘之  
 畜無失其時七十者可以食肉矣百畝之田勿奪其時  
 數口之家可以無饑矣謹庠序之教申之以孝悌之義  
 頒白者不負戴於道路矣七十者衣帛食肉矣黎民不

饑不寒然而不王者未之有也

衣去聲畜許六反數去聲去聲九有天下者人稱之曰王則平聲據其身臨天下而言曰王則去聲後多做之

○五畝之宅人之居舍曰宅一夫所受二畝半在田二畝半

在邑金仁山曰古者六尺為步百為畝一夫一婦受田百畝又受田廬之地二畝半邑居二畝半田以九百畝為一井八面皆百畝為私田八家受之內一百畝為公田八家同養公田又於公田之內除二十畝為廬舍八家則每家得二畝半也邑居所受亦如之若以今尺步計之則古之百畝當今四十一畝古者二畝半當田中不得有木恐妨五穀故於牆

下植桑以供蠶事中村氏曰註獨言廬舍植桑而里宅之植桑不待言也五十始衰非帛帛是不暖未五十者不得衣也古者賤者衣褐若深

衣亦以布製之則未五十者衣布也畜養也時謂孕字之時孕懷子也

如孟春犧牲毋用牝之類也禮記月令張叔與曰為傷妊生之類七十

非肉不飽未七十者不得食也林次崖曰少壯之人不是都不得食其食

有時不若老者之常用也蔡虛齋曰大註本後篇云五十非帛不煖七十非肉不飽此孟子自疏也安得偏據漢儒百畝之田亦一夫所受至此則經界正井

地均無不受田之家矣趙格庵曰經界謂治地分田經畫其溝塗封植之界井地

即井田也今按謂井田之法成也庠序皆學名也蔡虛齋曰指鄉學非謂國學也舉後

秀及九鄉之民皆教之申重也直用也丁寧反覆之意林次崖曰

故特申重之指南曰如三令五申之謂善事父母

為孝善事兄長上聲為悌頌與斑雜色同老人頭半

白黑者也

頰白是連屬

負任在背

背上

戴任在首

上頭

頂音扶

夫民衣食不足則不暇治禮義而飽暖無教則

又近於禽獸故既富而教以孝悌則人知愛親敬長

而代其勞不使之負戴於道路矣衣帛食肉但言七

十不言舉重以見反形輕也黎黑也黎民黑髮之人

猶秦言黔其無反首也見史記少去聲壯之人雖不得

衣帛食肉然亦不至於饑寒也此言盡法制品節之

詳畢昆湖曰註中盡法制三句法制即所以品節也

成輔相之道更無兩事林次崖曰兼極財與裁成輔

相去聲之道以左右左右並去民易泰卦象曰后以財

地之宜以左右民朱子曰財成猶裁成就之也裁成者所以輔相也林次崖曰裁成輔相之道即所以左右其民當教說不是今按道字以人言是王道之成也張泰嶽曰此是王道之成人若必如是而後為

上節註始字謂治

功成也勿深看

註翼陸稼書曰上節雖云民生已植民心已得然法

未盡得也此可以粗安而不可以長治也故此節遂

詳言立制之事指南曰五畝二段是養謹庠序一段

是教上專言養此詳養而帶教見是王道之成說者

多謂此因論救荒而發重養上大文體會七十二

句又總上而之詞而申說之以起必王意而教之意

亦在其中楊琨阜曰上節雖王道之始實所以基王

道之成下節雖說王道之成實所以收王道之始祭

狗豕狗此是豕豕也豕相承言牝豕也狗有三豕狗獵

畝之制至此方一夫受田百畝然雖有田百畝而民

奪其時亦無益矣故又頌勿奪其時與上句雞豚狗彘無失其時同或謂勿失其受田之時者非也鄧維千曰奪時之事非一凡無益之擾可已之役酷刑重斂皆足奪時張彥陵曰逆體其所惡曰勿奪翼註曰謹字不苟九所以立教者屏邪說黜具文兢兢乎一稟乎天命民心之正盧未人曰七十衣帛食肉內要補不負戴意黎民不饑不寒內要補知孝悌意

狗彘食人食而不知檢塗有餓莩而不知發人死則曰非我也歲也是何異於刺人而殺之曰非我也兵也王無罪歲斯天下之民至焉

莩平表反刺七亦反○檢制也以法度節制也莩餓死人也

發發倉廩以賑音震通作振起也救也貸他代反也也歲謂歲之

豐凶也豐大有年也凶饑荒也是說歲字之義大文歲字指凶歲說惠王不能制

民之產已不行王道不能使民有恒產又使狗彘得以食人之食又厚

斂于民以養禽獸汪武曹曰不能制民之產句雖單對五畝之宅節而使狗彘得以食人食句便包不違

農時節則與先王制度品節之意異矣孫詒仲曰言既不能制產

又使狗彘食人食則與先王制度品節以富教斯民者異矣言其不能行王政也必如蒙引言先王於

人尚恐濫用豈肯使狗彘食人食為與先王異也今按言惠王之所為已與先王制度品節之意異則民

之饑以死者乃王至於民饑而死猶不知發則其所之罪非關歲凶也

移特民間之粟而已蔡虛齋曰此一句是朱子以孟

率不凶之地之民之粟而已今按言所謂移粟者特民粟則吝己之財而不救民之死其罪全在我了

乃以民不加多歸罪於歲凶是知刃之殺人而不知

操把持也刃者之殺人也故設喻不罪歲則必能自

反而益脩其政吳孫右曰自反謂引咎責躬益脩其政有先發倉廩以賑貸以紓目前之急行王道之始事而繼行王道之終事意李岱雲曰無罪歲如何天下之民便至須是自反修政始得故此註必補實天下之民至焉則不但不多於鄰國而已○

程子曰孟子之論王道不過如此可謂實矣實不虛也謂農

桑教養都是實事不復高遠難行者也又曰孔子之時周室雖微天下

言下同猶知尊周之為義天命未改故春秋以尊周為本

聖人至孟子時七國爭雄七國謂秦楚齊趙韓魏燕也孫詒仲曰七國爭雄各擁地數千里而周之削已甚典章制度蕩然無存版

章土宇咸已盡失分為東西二周地不大於曹滕聽命於秦楚以偷安且夕僅比天下不復扶又知有周

於附庸小侯雖未亡而已亡蔡九峰曰塗泥炭火也當是時諸侯

天命而生民之塗炭已極已改

能行王道則可以王去聲矣此孟子所以勸齊梁之君

也賢者之心王魯齋曰疑孟子者以此語蓋王者天下

之義主也義則從不以人合者也故有當從之義則離者也聖賢亦

何心哉言孔孟何心而視天命之改與未改耳答辭

子所以勸齊梁者以視天命已改也孔子所以勸周

者以視天命未改也陳定宇曰天命之改未改驗之

人心而已人心猶知尊周可驗天命已改

未改人心不知有周可驗天命已改

註翼指南曰此方舉他弊政病民言之欲其引咎責躬而不自盡以得民也狗彘食人食而不知檢見

平日之視民既輕於物而有以致人之死塗有餓殍

而不死發見今日之視倉廩尚重于民又死以救民

之死人死兼此二意今按詩詁九可食之物曰食刺

刃之也胡期僂曰食人食是厚斂于民以養禽獸塗

道路之間兵刃劍之類罪歲是歸罪凶歲蔡虛齋曰

初觀惠王之問似若無罪歲之意然孟子一聞其言



遂得其意於其所謂鄰國之民不加少寡人之民不加多何也數字內就見他是欲歸罪於歲以為我雖盡心如此然民終不加多意者天殃下民而奪之歲人力力終莫如之何耳張彥陵曰無罪歲內便合罪己脩政意此二句通章歸結在此與上文何也二字相應王道元曰天下對鄰國看至對加多看正見王道之作用不小與小惠迥別也

○梁惠王曰寡人願安承教

承上章言蔡虛齋曰按上章孟子之於惠王既曉以告之以見其所以得民者止在此而不在彼末又指其所行之病民者以諷切之惠王蓋有感於其言至是請於孟子曰願安意以受教安定也必如寡人願安承教

孟子對曰殺人以挺與刃有以異乎曰無以異也

挺徒頂反○挺杖也

註異

蔡虛齋曰孟子向之所以告者亦既詳矣無用贅言矣為惠王計者今日切務惟在除去目下

所行之虐政虐政既除然後王政以施不然雖縷於王道之陳何益哉此即所以教之也○以惠王於故習猶未知其所為之病民一至此極也故以挺刃二端先發其意張彥陵曰只將四句相形說去不言厚斂而厚斂自在其中胡期儂曰殺人以貫至與政句吳蘇右曰殺人以挺或以刃有以異乎

以刃與政有以異乎曰無以異也

孟子又問而王答也

曰庖有肥肉廄有肥馬民有飢色野有餓莩此率獸而食人也

厚斂反力驗於民以養禽獸而使民飢以死則無異於

驅獸以食人矣指南曰此註當發在此率獸食人上面

註翼

蔡虛齋曰既又曰以刃與政有以異乎曰無以異也孟子乃曰王如知此則今日之政當有在

更張者矣蓋王之庖則有肥肉矣王之廄則有肥馬矣且肥肉何從而得肥馬又何從而得豈非厚斂於民以養禽獸哉於是民則有飢色矣野則有餓莩矣夫因獸病民以至於飢而死是率獸而食人也○此即其殺人之政無異於刃者也吳蘇右曰庖有四句不平因上三句致有下二句胡期僊曰庖是熟肉之所廄是牧馬之閑飢色是飢餓之狀未死者率是驅鄧雉千曰餓莩而曰野是不特饑死而且無有收之者矣

獸相食且人惡之為民父母行政不免於率獸而食人惡在其為民父母也

惡之之惡去聲惡在之惡平聲○君者民之父母也

惡在猶言何在也言無有也

註翼

虛未人曰獸相食一節言殘民非居上之道蔡虛齋曰提出為民父母字所以動其惻隱之心

也人君知其有作民父母之責則如保赤子之念自不容已者矣夫父母之於子寧有虐殺之者乎此孟子之善於啓迪不可及也吳蘇右曰獸與獸相食且人為其以類相殘而惡之胡期僊曰行政泛論勿政入虐

仲尼曰始作俑者其無後乎為其象人而用之也如之何其使斯民飢而死也

俑音勇為去聲○俑從去聲葬木偶人也顏師古曰刻木為人

象人之形古之葬者束草為人以為從衛謂之芻靈謂之偶人禮記略似人形而已中古易之以俑則有面目機發而太似人矣蔡虛齋曰蓋世俗人所為吳伯章曰機發謂設為機械使能發動疏曰埤

蒼云設關而能偏故孔子惡去聲其不仁而言其必

無後也言其人必無後嗣也孟子言此作俑者但用象人木人與大

文不同以葬孔子猶惡之況實使民飢而死乎翼註曰實字正

對象○李氏曰為人君者固未嘗有率獸食人之心

然狗一已之欲而不恤其民則其流必至於此故以

為民父母告之夫扶音父母之於子為去聲之就利避害

未嘗頃刻而忘于懷何至視之不如犬馬乎輔潛庵曰李氏

發明得最好為人上者必能體父母於其子頃刻不忘之心則庶幾其能盡保民之道矣

註翼蔡虛齋曰作俑一條又痛言民之不可殘也今

史氏曰詳經註之意皆以為備太似人而葬之猶且見惡者以其使生

民飢死者之尤可惡乎若以為殺人之漸而惡之則孟子之言為無味矣檀弓曰不殆乎用人乎哉亦以其太似人而用之以殉故云爾非以其為殉之漸而惡之也胡期僊曰為是原仲尼惡之意其使措虐政說

○梁惠王曰晉國天下莫強焉叟之所知也及寡人之身東敗於齊長子死焉西喪地於秦七百里南辱於楚寡人恥之願比死者一洒之如之何則可

長上聲喪去聲比必二反洒與洗同○魏本晉大夫

魏斯所謂文侯惠王之祖父與韓氏趙氏共分晉地號曰三晉

故惠王猶自謂晉國惠王三十年齊擊魏破其軍虜

太子申十七年秦取魏少去聲梁後魏又數音獻地於

秦又與楚將昭陽戰敗亡其七邑史記楚世家云得邑八胡斐才

曰前人謂比猶為也言欲為死者雪其恥也

未知名孰是比猶為也言欲為死者雪其恥也

作死不惜命者說可從燕太子及九死於戰者言蒙引諸家依史記所謂辱宗廟社稷而指其先人者誤

註翼張彥陵曰通章總以百里可王句為主以施仁

處全在暇日二字上李袁一曰晉國指文侯武侯之時言非謂從前晉國也張秦嶽曰論其強盛天下諸

過之者

孟子對曰地方百里而可以王

百里小國也然能行仁政則天下之民歸之矣吳蘇右曰

能行仁政二句即下文意也

註翼蔡虛齋曰地方百里而可以王況以堂堂千里

鄧維千曰因王委頓故先以此欲動而振作之指南曰且泛說行王政意且勿露顧麟士曰地字畧頓方百里連說吳伯章曰以王當去聲可王同其例已見上章此後經與註皆不及贅音胡期僊曰只是興王業

王如施仁政於民省刑罰薄稅斂深耕易耨壯者以暇日脩其孝悌忠信入以事其父兄出以事其長上可使制梃以撻秦楚之堅甲利兵矣

省所梗反斂易皆去聲耨奴豆反長上聲○省刑罰薄稅斂此二者仁政之大目也

蔡虛齋曰仁政又不止此二者此特其大者耳省刑薄斂是仁政裏面事故曰目然仁政易治先於養民而其事莫有大於此二者故曰大目

引言蒙君行仁政則民得盡力於農畝而又有暇日以

脩禮義李岱雲曰君行仁政則民得盡力於農畝分

耕易耨正由于省薄之仁政而又有暇日以脩禮義

玩又有字則暇日即是深耕易耨之暇日而得以有

之者仍省薄之仁政為之也吳蘇右曰如煩刑橫政

民皆重足而立安得有從容閑暇之時此可見生養

休息氣象今按以孝悌忠信之德事父兄長上是以

則事皆禮義也故以禮義二字括之以事言也是以

尊君親上知方言而樂下同於效死也以有事時

註翼盧未人曰省刑就當時之太煩者省之薄斂就

曰稅是征租斂收也蔡虛齋曰深耕深於耕也不苟

且齒養而已其註曰脩不但講明便有身體力行意

李氏曰其者小民自有之孝弟忠信也吳蘇右曰入

以出以二以字指孝悌忠信李岱雲曰入事父兄出

事長上都是這箇自以不分為是虛齋諸說俱有病

至輔氏以深耕易耨為薄斂之效修孝悌忠信為省

刑之效尤謬胡斐才曰二其字則視長上實無異于

父兄矣猶有不樂於效死者乎王觀濤曰可使二句

且只說可用以戰至王往而征之方說到戰勝上指

南曰不可認真在鬪敵上看只是形容他平日一點

尊君親上樂於效死之心著實有忠義奮發不可過

彼奪其民時使不得耕耨以養其父母父母凍餓兄弟

妻子離散

養去聲○彼謂敵國也敵國沒指無道之國當征者

之事非救民之舉也

當辨孫潛村說非

註翼指南曰彼奪其民時上先點不施仁政繁刑厚

哉句句反上節看胡斐才曰上節是言我有必勝之

日凍餓是不煖不飽

離散是奔走四方

孟子 梁惠王上

彼陷溺其民王往而征之夫誰與王敵

夫音扶○陷陷於阱通作穽疾郢才性溺溺於水暴

虐之意借言形容征正也正虐民以彼暴虐其民而

率吾尊君親上之民往正其罪彼民方怨其上而樂

歸於我則誰與我為敵哉胡期僂曰誰指敵國之民

言註翼顧麟士曰前兩節分說此節總說蓋分案總斷

也故承之曰彼陷溺其民王往而征之夫誰與王敵

所謂百里可王以此而已彼區區報怨雪恥俱不足

故曰仁者無敵王請勿疑

仁者無敵蓋古語也百里可王以此而已恐王疑其

迂濶故勉使勿疑也慮未人曰地方百里而可以王

疑百里可王之言非仁者無敵之言皆虛齋曰此章

主於百里可王仁者無敵之言皆是客詞也大註云

百里可王以此而○孔氏名文仲字經曰惠王之志

在於報怨孟子之論在於救民所謂唯天吏則可以

伐之孟子之語蓋孟子之本意言孟子之論雖非不用兵

而救民于水火耳孟子之本也然惟其志在於征無道

意蓋如是故為惠王言之也註翼朱子曰孟子亦是作為底人如云彼陷溺其民

兵不若當時戰國之無義理耳如五畝之宅樹之以

桑而下為政之實行之既至則視當時無道之國豈

孟子見梁襄王

襄王惠王子名赫

註翼 胡期僂曰孟子在梁適襄王 嗣惠王而即位因廷見之

出語人曰望之不似人君就之而不見所畏焉卒然問曰天下惡乎定吾對曰定于一

語去聲卒七沒反惡平聲○語告也不似人君不見

所畏言其無威儀也卒然急遽之貌其出言略無蓋

容貌望之辭氣下皆乃德之符陳定宇曰德存於中

驗可見其外如此則其中之所存者可知輔潛庵曰

者如此則其中之王問列國分爭天下當何所定問

以定之狀也蒙引諸說或以人言或孟子對以必合  
于然後定也

註翼 鄧雉子曰出語人四字直管到章末蓋通章皆

是孟子同志隨行者非泛泛外人蔡虛齋曰今見襄

王氣象如此其不足與有為決矣故出以語人而去

之○然此一段議論所關繫於世道君道者甚大不

可以不傳故出以語人而且以垂後世胡期僂曰望

是速而瞻望就是近而親就二之字俱指襄王中村

氏曰孟子自述問答之語故著一吾字下二對亦蒙

之林次崖曰定者列國息爭于戈不作也定于必

天下合于一統然後定也朱子曰七篇之中無復與

襄王言者豈孟子自

是而不復久於梁邪

孰能一之

王問也

註翼 盧木人曰孰能一之一段就王言王意地

對曰不嗜殺人者能一之

嗜 反時利也 甘也 心所好尚

註翼 鄧雉千曰說個嗜字見不以為慘而轉以為樂

仁心行仁政者能一之且虛說勿涉下文民望意翼

註曰不嗜殺人包得廣如刑罰稅斂皆能殺人不但

操刀也蔡覺軒曰好生不嗜殺天地生物之心也必

孰能與之

王復又問也與猶歸也

註翼 盧未人曰孰能與之一段就民言王意分土分

他口氣俱是難之之詞下文誰能禦之正答此意

對曰天下莫不與也王知夫苗乎七八月之間旱則苗

槁矣天油然作雲沛然下雨則苗淳然興之矣其如是

孰能禦之今夫天下之人牧未有不嗜殺人者也有

不嗜殺人者則天下之民皆引領而望之矣誠如是也

民歸之由水之就下沛然誰能禦之

夫音扶淳音勃由當作猶古字借用後多做此○周

七八月夏五六月也 孟子內並以周月 油然雲盛貌

沛然雨盛貌淳然興起貌禦禁止也人牧謂牧民之

君也 張泰嶽曰牧是牧養君以領頸也 頭莖 蓋好去



同生惡去聲死人心所同故人君不嗜殺人則天下悅

而歸之蘇氏以為蘇軾恐誤今從纂箋曰孟子

之言非苟為大而已誼傳謂為大語然不深原其意

而詳究其實未有不以為迂者矣予觀孟子以來自

漢高祖及光武及唐太宗及我太祖皇帝日知錄曰

於其空處添一宋字能一天下者四君皆以不嗜殺

人致之其餘殺人愈多而天下愈亂秦晉及隋力能

合之而好殺不已故或合而復扶又分石亂而分王

江或遂以亡國秦孟子之言豈偶然而已哉偶適然

東之合而復分秦隋之速以亡國孟子之言非偶當也

成敗之故被孟子定於一及不嗜殺人者能一

之二句斷盡非大聖大賢豈能有此至論卓識

註翼周聘侯曰此節只言天下所以莫不與之故胡

皆與之苗是禾之始生與是搞者復起其指苗之指

矣盧未人曰王知夫苗以下正明莫不與意旱搞喻

其人嗜殺雲雨喻不嗜殺人苗與喻民歸蔡虛齋曰

其如是孰能禦之就指苗之勃然與言今按此處不

必如引解添出天心之嗜殺吳孫右曰今夫四句

正指當今之時說張秦嶽曰戰國之君雖至不道豈

有嗜殺人者特以甘心戰鬪視民之死而不恤故孟

子以嗜殺人警之徐玄扈曰世豈有嗜殺人之理人

豈有嗜殺人之心只緣嗜利故嗜殺與兵構怨是也

嗜欲故嗜殺如狗彘食人食是也人主能回殺機為

生機則能轉不為至一翼註曰望以心言歸以身

而望之矣二句也上文其如是亦止謂其淳然興如

是不并承作雲下雨說也趙註曰如水就下沛然而

孟子 梁惠王上

來說約曰通章皆作自述語奇亦七篇之別體孫潛村曰國策文時有此章法

○齊宣王問曰齊桓晉文之事可得聞乎

齊宣王姓田氏名辟音壁疆渠良反諸侯僭稱王也齊桓

公名小晉文公名重音重皆霸諸侯者霸諸侯把天子之事者

**註翼** 李安溪曰一見梁惠而爭義利之分一見齊宣而嚴王霸之辨非仲尼之徒之傳者則不以進

此開篇大指也韓愈言孟子宗孔氏崇仁義貴王賤

老段結後半章導其仁民之政至五畝之宅一段結

說約曰齊王病根在大欲二字故開口便問桓文下

文辟土地朝秦楚灌中國而撫四夷正桓文事志向

桓文則悼其真心興兵構怨以戕民生皆不暇顧故

孟子以王道奪霸功而以保民不忍之方藥之林次

崖曰此章論說雖繁要着精神命脈所在通章主

意在是心足以王一句是就齊王見牛一事而許之

也王觀壽曰全章分五段看孫潛村曰亦有作四段

六段看者安溪又分前後兩大段說雖各異而於理皆通朱子曰事者營霸之事金仁山曰謂其所以為霸之謀畫經營也若糾合一匡事孔門固嘗書之矣呂晚村曰只是問他富強權詐之術許白雲曰宣王心說其事而誠服之以孟子當時賢者深知其說故舉以為問其曰可得聞乎見其不易得聞

孟子對曰仲尼之徒無道桓文之事者是以後世無傳焉臣未之聞也無以則王乎

道言也稱道董子名仲舒西漢廣川人曰仲尼之門五尺童子

羞稱五伯同霸其先詐力而後仁義也見漢書木

易王語後字與後獲後其君後字同古以二歲半為一尺言五尺是十二歲以上亦此意也

輔潛庵曰董子之說詳故引以為說以己通用無已必欲言之而不止

也蔡虛齋曰謂必王去聲謂王天下之道王天下以位言對桓文諸

侯之  
事言

註翼

胡期僊曰徒是學于仲尼者今按後世指為孔氏之學者傳是傳授指南曰則字極重與答梁王何必曰利亦有仁義而已矣語同題鏡曰王天下之道自有道之傳之聞之者今按桓文之事即是利王即是仁義與答梁王者同

曰德何如則可以王矣曰保民而王莫之能禦也

保愛護也

陶逸則曰有保養意舍下衣食有保全意舍下老幼教育有保恤意舍下凶年死亡有保護意舍下與兵構怨今按護擁全之也

註翼

指南曰保民可畧讀而王莫之能禦是一氣保民即是德勿云德足以保民此處且慢露心字到后面引愛牛一事方提是心足以王出來李岱雲曰齊王若不知王道本於德却如何問及德上來是隱隱見得王道不在利而在德矣只不知所謂德者何如耳虛齋說未是此皆齊王足用為善處不

可混過了今按王聞王乎之言意今列國分爭統之為一以臨于天下則在于德故問云云保民二字答他德字而王以下答他可以王陳定宇曰王道甚大其要只在保民保民而王一句為此章之綱領胡期僊曰莫禦有知失其謀勇失其力意

曰若寡人者可以保民乎哉曰可曰何由知吾可也曰臣聞之胡齮曰王坐於堂上有牽牛而過堂下者王見之曰牛何之對曰將以釁鐘王曰舍之吾不忍其觶觶若無罪而就死地對曰然則廢釁鐘與曰何可廢也以羊易之不識有諸

齮音核釁許刃反舍上聲觶音斛釶音速與平聲○

胡齮

下沒反集註音核被字有二音宜審

齊臣也釁謂填也

鐘新鑄鐘成

而殺牲取血以塗其釁也孔也郊義逆反與也朱子曰

神用主物祭者皆是假此生氣為靈古人釁鍾釁龜皆此意今按此註本趙註而趙註郊下有因以祭之

曰釁六字而截之不用則釁釁恐懼貌是個畏死的情狀孟

子述所聞胡齧之語而問王不知果有此事否

註翼胡期僕曰乎哉有恐己不足當意舍之舍是勿殺之指牛易是換之指牛吳伯章曰吾不忍至

死地作一句只釁字讀下文即不忍句同若似也指南曰不忍字極重孟子全執此二字百方開導欲其

察識而擴充之如下文所云也○若字從釁釁上形

狀之詞言此牛恰像無罪而就死的模樣不必將人形容也○以羊易之亦是王語牽牛者使易之今按忍

含忍也陸稼書曰存疑謂羊血如何見得羊血釁不

此贊之主於開導其君耳看來如何見得羊血釁不

得鍾此意殊不必許白雲曰德何如則可王宣王知

有德則王可謂天資優而知所本矣及問寡人可以

保民及何由知吾可皆能自反而善問者與梁惠王

別迴

曰有之曰是心足以王矣百姓皆以王為愛也臣固知

王之不忍也

王見牛之觶棘而不忍殺即所謂惻隱之心仁之端

也擴苦郭反本避諱而充之則可以保四海矣故孟

子指而言之欲王察識於此而擴充之也李岱雲曰

仁之端也釋是心擴而充之則可以保四海釋之非定

王以此端也釋是心擴而充之則可以保四海釋之非定

要人先說出來也故孟子指而言之指而言之四字便見

本句耳欲王察識於此貼百姓皆以王為愛也臣固

知王之不忍也二句而擴充之也又包含下文說蓋

不為擴充則不須察識矣故又補此一句胡雲峰曰

察識屬知擴充屬行顧麟士曰察識擴充是心足王

句內尚不可用，吳蘇右曰：寔預領以下通章之意，而  
括之於此耳。○蓋若說明惻隱後，又用反求說，出  
擴充後，亦何用復說推恩？朱子只要明白書意，故透  
後節意，註在此耳。今按察識，謂認得見牛，不忍殺之  
心，即是惻隱之心也。擴充謂推廣，克  
滿其本然之量也。蒙引諸說稍差。愛猶吝也。吝，財費  
的意。

**註翼**

齊王觀濤曰：首段至是，心足，王是斥伯崇王，而許  
說心字，虛說未露出，不忍，妨下句，看來上面已有  
不忍，穀穀說話，即當入講，下句是設為愛與，不忍兩  
端，以啓王，察識自與上不相妨。胡期僂曰：足是充滿  
愛，是愛財，指易之，以羊說，蔡虛齋曰：百姓皆以王為  
愛也。一句亦甚緊，若只言是心足，以王矣，他不曉  
問便只恁地說，了甚矣。孟子之善，于言語也。呂晚村  
曰：有謂百姓皆以王為愛，是設言以觀齊王，有是事  
便有是言，情理之至，不必謂之設言也。陶謹之曰：臣固  
知不忍，從牛而動，却不因牛而有觸牛而發，自不隨  
此不忍，從牛而動，却不因牛而有觸牛而發，自不隨

止耳而

王曰：然誠有百姓者，齊國雖褊小，吾何愛一牛？即不忍  
其穀，諫若無罪而就死地，故以羊易之也。

言以羊易牛，其迹似吝，實有如百姓所譏者。然我之

心不如是也。故未句用「心」字，一轉，然齊王雖謂我心

不如是，却仍在迹上辨。

**註翼**

王觀濤曰：次段至遠，庖廚是落王，以察識張彥  
陵曰：然字雙頂，愛與不忍，來今按李岱雲說，失  
之顧麟士曰：然字亦大，縣首肯之詞，誠有百姓，炤上  
為愛句，齊國以下，炤上，不忍句，俱是依樣葫蘆語，畧  
不見有察識之心，故下節又設法，以難之也。合討曰  
宣王只求解個愛字，竟不自覺察識此心，為惻隱之  
端，乃仁心之發，胡期僂曰：褊小是窄狹，見財出有限  
意，陸稼書曰：即字恐是即如夫子所言之意，若作不

及計較意則齊王此時已能察識矣又按作但字者非誠有句指迹言齊國以下指心言

曰王無異於百姓之以王為愛也以小易大彼惡知之  
王若隱其無罪而就死地則牛羊何擇焉王笑曰是誠  
何心哉我非愛其財而易之以羊也宜乎百姓之謂我  
愛也

惡平聲○異怪也隱痛也擇猶分也言牛羊皆無罪  
而死何所分別彼列而以羊易牛乎孟子故設此難

去聲欲王反求而得其本心王不能然故卒無以自解  
於百姓之言也蔡虛齋曰故字是故意之故今按本句言不能分疏百姓為愛之言卒以為宜然也胡斐才曰到此方是設難前百姓皆以王二句非難也看

語次如此鄧維千曰孟子本知王不是愛牛其故全在見牛未見羊但直告之則他不醒故前用百姓皆以王為愛句起發他無奈王答得冷淡略無察識之意故又設為牛羊何擇句以難之

**註翼**胡期僊曰小指羊大指牛彼指齊百姓惡知不知其為之指心不忍是指以羊易牛宜作當字

看劉上玉曰三句三說是誠句自疑非愛而易之句自解宜乎句自認今按王被孟子何擇之語難倒了言雖獨不忍乎牛而忍乎羊則非不忍也亦非愛財而易之則非愛也吾不知果為何心了自家尚不曉得則百姓之以為愛者不亦宜乎末句單承是誠句蒙引以下諸說俱失之矣

曰無傷也是乃仁術也見牛未見羊也君子之於禽獸也見其生不忍見其死聞其聲不忍食其肉是以君子遠庖廚也

遠去聲○無傷言雖有百姓之言不為害也四書脈曰無傷

於不忍術謂法之巧者輔潛庵曰巧亦非穿鑿以為

無以處上聲之則此心雖發而終不得施矣然見牛則

此心已發而不可遏未見羊則其理未形而無所妨

故以羊易牛則二者得以兩全而無害此所以為仁

之術也解上三句蔡虛齋曰見牛則此心已發而不

其理未形而無所妨言初未嘗有不忍之心之可遏

於事何所妨礙謂之理未形以是時未有言故

曰理而已蓋理素具心隨感而發者也廬未人曰言

有可愛之理而未動於心也今按稼書以蒙引為太

拘不可從又按兩全無害謂全不可遏之仁而不害

全不可已之禮而不害也與上害字所指不同雉千

謂牛得生固無害羊雖殺亦無害誤又按註分明云

為仁之術則常解以術行仁之說為是徐思曠仁自

生術之說過巧聲謂將死而哀鳴也蓋人之於禽獸

同生而異類故用之以禮輔潛庵曰所謂用之以禮

殺牛大夫無故不殺羊士無故不殺而不忍之心施

於見聞之所及其所以必遠庖廚者亦以預養是心

而廣為仁之術也解君子之於禽獸以下庖是宰處

預養是心預養不忍之心於未發之前而不使發于

不可發之事也為仁之術本主待人而此待禽獸之

事也故曰亦曰廣廣推

廣也岱雲說不可從

註翼胡斐才曰因王不自解遂迎其機而代為之解

周聘侯曰不是故為獎誘之語是乃喚醒指點

語黃際雅曰仁術空舉正於下句見其仁術二句解

齊王之疑已畢此指有事時說君子以下又是一意

指無事時說鄧維子曰君子一段正明未見羊則其

理未形而無所妨意以為仁術作証廬未人曰仁術

至遠也。則其為不忍而明無傷之意。蔡虛齋曰：見牛未見羊也。則其為不忍而非愛也。不待言矣。此仁字就發用上。說吳孫右曰：見牛未見羊，句正解。牛羊何擇之難。鄧遜庵曰：未見羊，未字可味。若見亦不忍矣。見其生一段重。不忍字。然又恐以未見者為可殺。故又說箇遠。庖廚於禽獸三字，亦有味。于禽獸只好如此。所謂愛物也。若仁民豈論其未見哉。鄧知千曰：死作殺時之死，指南曰：只一連。庖廚不見死，不聞聲，便能預發得，不忍之心，完全全不致戕賊。此正君子為仁之術。處齊王以羊易牛，正合乎此。此之謂仁術。而無傷。

王說曰：詩云：他人有心，予忖度之。夫子之謂也。夫我乃行之，反而求之，不得吾心。夫子言之，於我心有戚戚焉。此心之所以合於王者，何也。

說音悅忖七本反度待洛反夫我之夫音扶○詩小

雅巧言之篇戚戚心動貌王因孟子之言而前日之

心復扶又萌乃知此心不從外得齊王乃知得前日

而原是吾固有底集註此意從於我心戚戚焉句內

看出胡斐才曰註著不從外得最妙正明所以有戚

戚之然猶未知所以反本而推之也本是水民對物言

推不忍之心于民也深看本字者皆失之齊王猶未

知所以及本而推之故有此心之所以合於王者何

也之問而下節有與薪秋毫之喻

不為不能之言皆為此之故也

註翼王觀濤曰次段至善推所為是啓王以擴充胡

指以羊易牛求之求牛羊何擇之故言之是見牛未

見羊之言今按他人王自比子比孟子指南曰戚戚

此句是能察識此心不從外來實是不忍之心陳定

宇曰此心之所以合於王者何也王此句亦問得緊

孟子 梁惠王上



曰有復於王者曰吾力足以舉百鈞而不足以舉一羽  
明足以察秋毫之末而不見輿薪則王許之乎曰否今  
恩足以及禽獸而功不至於百姓者獨何與然則一羽  
之不舉為不用力焉輿薪之不見為不用明焉百姓之  
不見保為不用恩焉故王之不王不為也非不能也

與平聲為不之為去聲○復白也是稟鈞三十斤趙

庵曰二十四銖為兩十六兩為斤百鈞至重難舉也

羽鳥羽一羽至輕易去聲舉也秋毫之末毛至秋而

末銳小而難見也輿薪以車載薪大而易見也許猶

可也蔡虛齋曰猶今恩以下又孟子之言也蓋天地

之性人為貴故人之與人又為同類而相親是以惻

隱之發則於民切而於物緩推廣仁術則仁民易而

愛物難孝經曰天地之性人為貴董季亨曰言人所

曰以惻隱情也自性上發出故於人切而於物緩

人之性最貴故也今按惻隱之發承天地之性句以

心言推廣仁術承人之與人句以事言故字當從輔

氏作而字李岱雲曰九處事有方處都是術此仁術

字與前一般蒙引謂不一例看者非吳蘇右曰今王

何說仁民易愛物難此不論事而論心也

此心能及物矣則其保民而王非不能也但自不肯

為耳輔潛庵曰於其勢遠而事難者既能有以及之

則以是心而施於勢近而事易則豈有不能者

哉但自不肯為耳

註翼盧未人曰獨何與分上是喻其能愛物不能保

要王擴充何不就以老幼幼說明與他只緣齊王認保民而王甚難故先分疏其難易緩急使之了然而後告以用力處鄧維千曰今思三句難得最緊切是詰他何以易其所難而反難其所易亦是不論事而論心也此乃一章警策處故下文又以此再難以結之張彥陵曰用力用明用思此用字最好人皆有為有明但自不用耳為不用思正獨何與之故茅鹿門曰功不至於百姓謂保民之功也未涉恩澤上說胡期僊曰何是何故不為乃能為而不肯為不能是欲為而不能為

曰不為者與不能者之形何以異曰挾太山以超北海語人曰我不能是誠不能也為長者折枝語人曰我不能是不為也非不能也故王之不王非挾太山以超北海之類也王之不王是折枝之類也

語去聲為長之為去聲長上聲折之舌反○形狀也

是模樣挾以腋音亦肘脇之間持物也超躍而過也為長者折

枝以長者之命折草木之枝言不難也趙註以按摩解之按摩猶

非至易之事故朱子取陸善經說是心固有不待外求擴而克之在

我而已何之難之有輔潛庵曰如耳目而自視自聽有手足而自執自行固不難

也吳蘇右曰按註不待外求數句須透下節勿入講

註翼胡期僊曰異是分別盧未人曰挾太山八句泛論不能不為形狀王之不王四句指言王之不

為金仁山曰太山東岳北海去中國甚遠但以北海為北海故漢於今青淄之間置北海郡趙註曰皆近

挾太山以為喻也今按言我不能

老吾老以及人之老幼吾幼以及人之幼天下可運於掌詩云刑于寡妻至于兄弟以御于家邦言舉斯心加

諸彼而已故推恩足以保四海不推恩無以保妻子古  
之人所以大過人者無他焉善推其所為而已矣今恩  
足以及禽獸而功不至於百姓者獨何與

與平聲○老以老事之也是尊事吾老謂我之父兄

人之老謂人之父兄幼以幼畜許六之也之意無吾

幼謂我之子弟人之幼謂人之子弟運於掌言易去聲

同也運轉詩大雅思齊莊皆反之篇刑法也儀法寡妻

寡德之妻謙辭也御治也不能推恩則眾叛親離故

無以保妻子中村氏曰謂至於眾叛親離而蓋骨肉

之親本同一氣又非但若人之同類而已故古人必

由親親推之然後及於仁民又推其餘然後及於愛  
物皆由近以及遠自易以及難以上解善推其所為

遠當由近以及遠事有難易當自易以及難今委之胡斐才曰此反字與

言相則必有故矣故復扶反又推本而再問之蔡虛齋曰此推

本與前面反其本而推之之本字不同蓋即是上文

故字也推字亦不同李氏曰有故是探下大欲說

謹翼指南曰此正詳用思之易以証上是心足以王

以推思有序說愚意此節乃教王用恩於百姓也老

幼乃云老幼吾老幼而即老幼人之老幼以見常用

君身上說不是使人老幼才諸家說不可從天下

可運於掌謂以吾老老幼幼之心推及之天下之老

幼甚易也寡妻兄弟證吾字家邦證人字斯心老幼

吾老幼之心也非泛指不忍之心也彼字指人之老

幼晚村以吾老幼入彼字內看不是胡斐才諸家從之誤翼註曰王者以天下為家故曰家邦純指國言胡期儂曰故承舉斯心句來大過人指功業說獨對古人而言言蔡虛齋曰心之所加者即恩也以其見於行事故又謂之所為○思及禽獸而功不至於百姓非善推也李岱雲曰古之人恐只大概說不必定指文王矣胡雲峰曰大抵此章九千餘言大要只二句欲其察識此心於方發之初故曰是心足以王矣欲其擴充此心於已發之後故曰善推其所為而已矣

權然後知輕重，度然後知長短，物皆然，心為甚。王請度之。

度之之度待洛反○權稱，去聲，下同。錘，直垂反。移，來取平也。度，丈尺也。十寸為尺，十尺為丈。蔡虛齋曰：權或曰：如此則度字當作入聲。度之謂稱量之也。言物曰還，作去聲，不書為活字。

此物字之輕重長短人所難齊人之目力量必以權度物作之如字下待洛反之而後可見若心之應物此物

字指事物則其輕重長短之難齊而不可不度以本然之

權度又有甚於物者朱子曰本然之權度亦只是此時須是仔細看恰如何便是本然之權度也○物易見心無形度物之輕重長短易度心之輕重長短難

陸要若曰謂之本然者以本于天而非私意之所為也今按有甚於物者謂心之應物輕重長短之難齊而不不可不度甚於物也語類心差了時萬事差語是論道理耳非正解也諸家引之解心為甚非是今王恩及禽獸而功不至於百姓是其愛物之心重且長而仁民之心輕且短失其當然之序而不自知也故上文既發其端而於此請王度之也重長借言厚輕短借言薄

蔡虛齋曰上文既發其端曰今恩足以禽獸而功不至於百姓者獨何與分明是含說箇輕重長短之當度在裏面蓋齊王正是輕重長短之失度者

註翼

王觀濤曰次段至孰能禦之是揣王不能擴充者病在求大欲發其病而藥之胡期僊曰物是凡物不指一物心是應物之時為甚比物更甚當度今按請乞也度之謂度應物之輕重長短也非謂度所以輕重長短之故也指南說非是

抑王興甲兵危士臣構怨於諸侯然後快於心與

與平聲

○抑發語辭

王守泰曰此與他處抑為反語辭不同按其文意若斷若續水窮雲起故直

以為發語辭

士戰士也構結也孟子以王愛民之心

所以輕且短者必其以是三者為快也然三事實非人心之所快有甚於殺穀棘之牛者故指以問王欲

其以此而度之也

欲齊王以此三事度其待民之心而知其輕且短也

註翼

輔潛庵曰孟子雖引物資權度之說而請王稱量其心然又恐不知所以稱量之要故舉與甲兵危士臣構怨於諸侯三事使王度之張彥陵曰與甲兵三句串說與甲兵以危士臣而與諸侯構怨胡期僊曰士是戰士臣是將帥盧未人曰士臣是本國士臣諸侯是敵國諸侯李岱雲曰然後快於心不是說齊王真快于心只是詰問之辭見王必如此然後快于心麼不然何故以殺人之事而甘心為之也大全輔氏之說看死了

王曰否吾何快於是將以求吾所大欲也

不快於此者心之正也而必為此者欲誘之也欲之所誘者獨在於是其心尚明於他而獨暗於此此其愛民之心所以輕短而功不至於百姓也

蔡虛齋曰

兩此字同都指三事李岱雲曰欲之所誘者獨在於是字指與危構怨說是其心尚明於他他字自指不忍散蘇之牛之類而獨暗於此此字自指與危構怨之事蒙引於理難通

**註翼**

盧未人曰將以求吾所大欲齊王不能擴克以合於王病根只在此一句胡斐才曰孟子極力提喝正要討出他大欲來為之截斷耳

曰王之所大欲可得聞與王笑而不言曰為肥甘不足於口與輕煖不足於體與抑為采色不足視於目與聲音不足聽於耳與便嬖不足使令於前與王之諸臣皆足以供之而王豈為是哉曰否吾不為是也曰然則王之所大欲可知已欲辟土地朝秦楚莅中國而撫四夷也以若所為求若所欲猶緣木而求魚也

與平聲為肥抑為豈為不為之為皆去聲便令皆平

聲辟與闢同朝音潮○便嬖近習嬖幸之人也金山曰

便軟熟順意之人今按嬖賤而獲幸者已語助辭辟開廣也朝致其來

朝也秦楚皆大國莅臨也居上臨下若如此也所為指興

兵結怨之事緣木求魚言必不可得緣攀附而上也

**註翼**胡期僂曰王以欲大而難以與人笑而不言肥甘是肥而且甘肉食之美輕煖是輕而且煖裘

衣之美采色是華采之色聲音凡樂音歌音皆是供之指供五者之欲也是亦指上五者撫是安輯意胡斐才曰五足字是充足皆足之足作可字訓張彥陵曰孟子亦知王之大欲不在肥甘五者只借此以形出他好大喜功之心吳蘇右曰皆字不指諸臣指肥甘五者辟土地三句正是王天下事陶謹之曰皆足以供應而不缺鄧維千曰辟土地不是開墾使廣乃天下土地盡入版圖而為吾所有李岱雲曰辟土地

朝秦楚猶只在中國疆域之內故既泄中國而必又撫四夷廬未人曰以若所為是興兵二事求若所欲是辟土地四事陳定宇曰所大欲在此所以初發問便欲聞桓文霸圖事

王曰若是其甚與曰殆有甚焉緣木求魚雖不得魚無後災以若所為求若所欲盡心力而為之後必有災曰可得聞與曰鄒人與楚人戰則王以為孰勝曰楚人勝曰然則小固不可以敵大寡固不可以敵衆弱固不可以敵彊海內之地方千里者九齊集有其一以一服八何以異於鄒敵楚哉蓋亦反其本矣

甚與聞與之與平聲○殆蓋皆發語辭鄒小國楚大國齊集有其一言集合齊地集合絕長補短之謂其方千里是

有天下九分扶問反之一也以一服八即有必不能勝即有

禍所謂後災也反本說見形句反下文發政施仁其曰

使天下仕者即發政施仁有以使之也故曰發政施仁所以王天下之本也然則盡心力於興兵構怨以求王天下抑末矣本字當如此照看盧未人曰與前註反其本而推之不同下文則嗑反其本矣又與此不同此是反求大欲之本於發政施仁下是反發政施仁之本於制民常產李岱雲曰時解是心為保民之本即王天下之本者未看清也

註翼顧麟士曰若是其甚此一語有怪而疑之意胡期僊曰甚指緣木求魚災以禍言今按得聞

是欲得聞有後災之說廬未人曰小不敵大謂土地寡不敵衆謂人民弱不敵強謂兵力陸稼書曰方千里者九只是大槩說新安陳氏以九國實之不是然則宋中山與秦楚同為千里耶又按九以九州言蔡虛齋曰以一服八何以異於鄒敵楚哉所謂霸必有二大國也指南曰反字當玩謂舍其平日所謂與兵構

怨者倒轉在根本在功用也

今王發政施仁使天下仕者皆欲立於王之朝耕者皆欲耕於王之野商賈皆欲藏於王之市行旅皆欲出於王之途天下之欲疾其君者皆欲赴愬於王其若是孰能禦之

朝音潮賈音古愬與訴同○行貨曰商居貨曰賈行也居積也蓄也

發政施仁所以王去聲天下之本也應上節末句本

字近者悅遠者來則大小疆弱非所論矣楊復所曰使天下以

下皆是遠者來註兼近者說蓋力求所欲則所欲者

反不可得能反其本則所欲者不求而至與首章意

同胡斐才曰與首章言求利而利反不可得仁義不言利而利自在其中意同

註翼盧未人曰發政施仁勿平看言發於政者皆施之

下文制產特仁政之本耳鄧雉子曰看一使字非有意使之仁政自有以使之陶謹之曰是鼓舞感動之意

吳孫右曰仕者謂仕宦之人兼己仕未仕言使天下六句以人心欲歸言末句方說到身之所歸上今

按藏蓄也欲疾其君惟是疾其君也詳上下文法欲字恐衍想告訢也指南曰赴愬者望其吊伐蔡虛齋

曰使天下仕者皆欲立於王之朝耕者皆欲耕於王之野云云所謂朝秦楚泮中國就在其中矣○今王

發政施仁至其若是孰能禦之所謂王不待大也胡斐才曰文法止此一收結下文又是另起

王曰吾惛不能進於是矣願夫子輔吾志明以教我我雖不敏請嘗試之

惛與昏同盧未人曰惛有二義昏昧是不能知昏惰是不能行指南曰以氣質言



**註翼** 王觀濤曰末段說到制民恒產正是保民之實政盧未人曰進於是字指發政施仁講不能進言自家不能向前徑進指南曰輔者啓迪其志所不及也明以告者如何施仁一一條陳也今按嘗亦訓試嘗試之行也

曰無恒產而有恒心者惟士為能若民則無恒產因無恒心苟無恒心放辟邪侈無不為己及陷於罪然後從而刑之是罔民也焉有仁人在位罔民而可為也

恒胡登反辟與僻同焉於虔反○恒常也產生業也

恒產可常生之業也 盧未人曰五畝恒心人所常有

之善心也 盧未人曰孝弟親長之心之類 士嘗學問知義理故雖無

常產而有常心民則不能然矣罔猶羅網欺其不見

而取之也

罔是欺罔羅網是鳥網細而難見謂民陷於罪由無恒心無恒心由君不制產是君使民不見刑網而陷於必死與羅網禽獸欺其不見而取之一般非謂其本心則然

**註翼**

盧未人曰無恒產一節言恒產之不可無見仁政當先制產惟士為能特影起民之非士恒產決不可無也放是始難於道辟是浸淫邪是成惡侈則益肆矣李岱雲曰放辟邪侈緊跟無恒心仍在心上說無不為己方在事上說但有其心者必有其事故放辟邪侈自是無所不為

是故明君制民之產必使仰足以事父母俯足以畜妻子樂歲終身飽凶年免於死亡然後驅而之善故民之從之也輕

畜許六反下同○輕猶易去聲也此言民有常產而有常心也

**註異** 盧未人曰明君二節言制產不制產之得失制

老幼樂歲二句言制產足以裕豐凶李衷一曰是故

緊承上恒產所係之大周聘侯曰自其病瘵斯民言

則曰仁人自其知周萬物言則曰明君指南曰制民

之產且就度民分地計口授田虛虛說必使二字貫

下四句今按終身甚言之詞非終其身之謂也胡期

僂曰樂歲是豐年凶年是五穀不熟之時張泰嶽曰

畜是養驅是驅使向前又按樂歲終身飽凶年免於

死亡則既有常產而因有常心也既有常心故驅而

之善從之也輕驅而之善倡率使為善也以既有

恒心而可以為善也李衷一謂善即恒心稍差

今也制民之產仰不足以事父母俯不足以畜妻子樂

歲終身苦凶年不免於死亡此惟救死而恐不贍奚暇

治禮義哉

治平聲九治字為理物之義者平聲為已理之義者

去聲後皆做此○贍時念足也取給此所謂無常產

而無常心者也

**註異** 指南曰與上節反此亦泛言當時之君張彥陵

嘗不相同也然從救死不贍看來此非百畝之田之

制也因其所制之產而立為厚斂之法耳名為制產

民且為產所累矣安得謂之恒產○虛而言之則曰

善實而言之則曰禮義○禮義要對放辟邪侈說胡

期僂曰治作修字看今按救死恐不贍既

無恒產因無恒心也故無暇行禮義也

**王欲行之則盍反其本矣**

盍何不也使民有常產者又發政施仁之本也說見

形句下文

**註異** 鄧維千曰上兩節泛言明君之得今時之弊到

○王欲行乎仁政則盡反其本而以制民恒產為先務矣。滙參曰：是起下，不是結上。陳定宇曰：則盡反其本與前蓋反其本矣。當對觀發政施仁，是所以王天下之本。使民有常產，又是發政施仁之本也。輔潛庵曰：蓋亦反其本者言其當反本也。則盡反其本者，責其何不反本也。其辭固有輕重矣。

五畝之宅，樹之以桑，五十者可以衣帛矣。雞豚狗彘之畜，無失其時，七十者可以食肉矣。百畝之田，勿奪其時，八口之家，可以無饑矣。謹庠序之教，申之以孝悌之義，頒白者不負戴於道路矣。老者衣帛食肉，黎民不饑不寒，然而王者未之有也。

音見前章。○此言制民之產之法也。此章雖教養兼說，然養邊稍重。故統以制民之產言之。趙氏曰：八口之家，次上農夫也。疏曰：孟子之意耳。此王政之本常生之道。此字指五畝之宅一節。故

夫百畝百畝之糞，上農夫食九人，上次食八人，是也。此云八口之家，所以特指次上農夫者而已。斯亦舉其次而見上之意耳。此王政之本常生之道。此字指五畝之宅一節。故

孟子為齊梁之君各陳之也。揚氏曰：為天下者舉斯心，加諸彼而已。然雖有仁心，仁聞而民不被其澤者，不行先王之道故也。故以制民之產告之。○此章言人君當黜霸功，行王道，而王道之要，不過推其不忍之心，以行不忍之政而已。齊王非無此心，而奪於功利之私，不能擴克以行仁政。雖以孟子反覆曉告，精切如此，而蔽錮已深，終不能悟，是可歎也。

凡物之純至曰精，故亦為純至之義。錮，鑄塞也。

註翼

蓋前千曰不忍曰詳言制產之法乃一章之歸宿處

未嘗說著實事至此方舉其實言之正所謂及人之

老幼而運天下於掌者也○此等作用俱從不忍一

念區畫出來張彥陵曰可以衣帛食肉正與仰足以

事父母應可以無饑正與俯足以畜妻子應庠序一

段正與驅而之善民從之也輕應指南曰教雖因養

而舉然亦只宜通說不必專重養上自古論王道未

有不教養兼舉者今按此說勝翼註盧未人曰老者

衣帛食肉是上文老老之法黎民不饑不寒是上文

幼幼之法胡期僊曰王

正與上保民而王相應

四書訓蒙輯疏卷之十六終

